



**ქალაქ თბილისის მუნიციპალიტეტის
საკრებულოს წევრის ვლადიმერ ძნელაძის
2021 წლის ანგარიში**

2017 წლის ნოემბრიდან ვარ თბილისის მუნიციპალიტეტის საკრებულოს მე-6 მოწვევის წევრი, ფრაქციის „ქართული ოცნება - მრეწველები“ თავმჯდომარე, საკრებულოს ჯანმრთელობის დაცვისა და სოციალურ საქმეთა კომისიის წევრი, განათლებისა და კულტურის კომისიის წევრი, დიდუბის რაიონის მაჟორიტარი.

საკრებულოს სხდომებში, კომისიებისა და ფრაქციის მუშაობაში მონაწილეობის შესახებ ინფორმაცია:

საანგარიშო პერიოდში ჩატარდა საკრებულოს 22 სხდომა. აღნიშნულ სხდომებზე მიღებულია 111 დადგენილება და 547 განკარგულება. მონაწილეობა მივიღე საკრებულოს 22 სხდომის მუშაობაში.

ჯანმრთელობის დაცვისა და სოციალურ საკითხთა კომისიის ფორმატში დავესწარი 17 სხდომას და მონაწილეობა მივიღე შემდეგი საკითხების განხილვაში:

- ქალაქ თბილისის მუნიციპალიტეტის ბიუჯეტით გათვალისწინებული სოციალური დაცვის ქვეპროგრამების განხორციელების წესების დამტკიცების შესახებ ქალაქ თბილისის მუნიციპალიტეტის საკრებულოს 2020 წლის 24 იანვრის №52-9 დადგენილებაში ცვლილების შეტანის შესახებ
- „ქალაქ თბილისის მუნიციპალიტეტის 2021 წლის ბიუჯეტით გათვალისწინებული „დანგრეული საცხოვრებელი სახლების მაცხოვრებელთა კომპენსაციის“ ქვეპროგრამის განხორციელების წესის დამტკიცების შესახებ
- „ქალაქ თბილისის მუნიციპალიტეტის ადმინისტრაციულ საზღვრებში M2 კატეგორიის ავტობუსებით რეგულარული სამგზავრო გადაყვანისას შეღავათით მოსარგებლე მოქალაქეთა მგზავრობის დადგენილი ტარიფის ანაზღაურების შესახებ“ ქალაქ თბილისის მუნიციპალიტეტის საკრებულოს დადგენილების პროექტი
- ქ. თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის მიერ ადმინისტრირებადი პროგრამებისა და მომავალი გეგმების შესახებ.
- ა(ა)იპ „თბილისის მუნიციპალური თავშესაფარი“
- ლილოს მიუსაფართა თავშესაფარი
- ვარკეთილის, ორხევის და დიდი დიღმის სოციალური საცხოვრისები
- 2021 წლის იანვარი-აგვისტოს პერიოდში შესრულებული სამუშაოს ანგარიში
- ქალაქ თბილისის მუნიციპალიტეტის მერიის შშმ პირთა თანაბარი შესაძლებლობების უზრუნველყოფის 2021-2024 წლების სამოქმედო გეგმის დამტკიცების თაობაზე“ ქალაქ თბილისის მუნიციპალიტეტის საკრებულოს დადგენილების პროექტი
- „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ.
- ქალაქ თბილისის მუნიციპალიტეტის მერიის შშმ პირთა თანაბარი შესაძლებლობების უზრუნველყოფის 2021-2024 წლების სამოქმედო გეგმის დამტკიცების

თაობაზე“ქალაქ თბილისის მუნიციპალიტეტის საკრებულოს დადგენილების პროექტი

- „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ“ქალაქ თბილისის მუნიციპალიტეტის საკრებულოს 2020 წლის 29 დეკემბრის N72-136 დადგენილებაში ცვლილების შეტანის შესახებ“

განათლებისა და კულტურის კომისიის ფორმატში დავესწარი 13 სხდომა, რომელზეც განხილულ იქნა 17 საკითხი. მათ შორის:

- „ქალაქ თბილისის მუნიციპალიტეტის 2021 წლის ბიუჯეტის პროექტის შესახებ“ქალაქ თბილისის მუნიციპალიტეტის საკრებულოს დადგენილების პროექტის განხილვა (12-032031836-03; 13.11.2020).
- „ქალაქ თბილისის მუნიციპალიტეტის 2021 წლის ბიუჯეტის პროექტის შესახებ“ ქალაქ თბილისის მუნიციპალიტეტის საკრებულოს დადგენილების პროექტის განხილვა (12-032034578-03; 10.12.2020).
- „ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „თბილისი - წიგნის მსოფლიო დედაქალაქის“დაფუძნების თაობაზე თანხმობის მიცემის შესახებ“ ქალაქ თბილისის მუნიციპალიტეტის საკრებულოს განკარგულების პროექტის განხილვა.
- ა(ა)იპ თბილისის საბავშვო ბაგა-ბაღების მართვის სააგენტოს 2020 წლის ანგარიშის განხილვა.
- ქალაქ თბილისის მუნიციპალიტეტის ბიუჯეტის ქვეპროგრამის „სოციალურად დაუცველი და წარმატებული სტუდენტების ხელშეწყობა“ (კოდი 07 05 03) ფარგლებში გამოყოფილი ასიგნებებიდან წარმატებული სტუდენტების წახალისებისა და სოციალურად დაუცველი სტუდენტების დაფინანსების წესის დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების განხილვა (№12-0321036116-03; 05.02.2021).
- „ქალაქ თბილისის მუნიციპალიტეტის 2020 წლის ბიუჯეტის შესრულების წლიური ანგარიშის შესახებ“ (12-03210576-03; 26.02.2021)საკითხის განხილვა.
- მუნიციპალიტეტების როლი პროფესიული განათლების განვითარების საკითხებში.
- „ქალაქ თბილისის მუნიციპალიტეტის 2021 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2020 წლის 25 დეკემბრის № 71-134 დადგენილებაში ცვლილებების შეტანის შესახებ“ქალაქ

თბილისის მუნიციპალიტეტის საკრებულოს დადგენილების პროექტის განხილვა (წერილი № 12-0321118126-03; 28.04.2021);

- „ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის პროგრამებისა და ქვეპროგრამების განხორციელების წესების დამტკიცების თაობაზე“ ქალაქ თბილისის მუნიციპალიტეტის საკრებულოს 2019 წლის 12 თებერვლის №37-12 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტის განხილვა (№ 12-0321118120-03 ; 28.04.2021).
- „ქალაქ თბილისის მუნიციპალიტეტის მერიის შშმ პირთა თანაბარი შესაძლებლობების უზრუნველყოფის 2021-2024 წლების სამოქმედო გეგმის დამტკიცების თაობაზე“ ქალაქ თბილისის მუნიციპალიტეტის საკრებულოს დადგენილების პროექტი (12-032113350-03; 13.05.2021);
- „ქალაქ თბილისში სკოლებს შორის კონკურსის „პანდემია, როგორც შესაძლებლობა“ ჩატარებისთვის განსახორციელებელ ღონისძიებათა შესახებ“ ქალაქ თბილისის მუნიციპალიტეტის საკრებულოს განკარგულების პროექტი.
- სსიპ ქალაქ თბილისის №28 საჯარო სკოლისთვის ექვთიმე თაყაიშვილის სახელის მინიჭების თაობაზე;
- ქალაქ თბილისის მუნიციპალიტეტის საკრებულოს განათლებისა და კულტურის კომისიაში შემოსული განცხადებების (10/032109128-03; 01.04.2021; 10/03211457-03; 25.05.2021) განხილვა.
- „ქალაქ თბილისის მუნიციპალიტეტის 2021 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2020 წლის 25 დეკემბრის №71-134 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტი (12-032120333-03; 22.07.2021).
- ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის 2021 წლის პირველ ნახევარში გაწეული საქმიანობის ანგარიში.
- ა(ა)იპ ქ. თბილისის №70-ე საბავშვო ბაგა-ბაღის მიერ 2018 წლის 1 იანვრიდან 2020 წლის 31 დეკემბრის ჩათვლით პერიოდში გაწეული საფინანსო-სამეურნეო საქმიანობის სარევიზიო შემოწმების მასალების განხილვა;
- ა(ა)იპ ქ. თბილისის №34-ე საბავშვო ბაგა-ბაღის მიერ 2018 წლის 1 იანვრიდან 2020 წლის 31 დეკემბრის ჩათვლით პერიოდში გაწეული საფინანსო-სამეურნეო საქმიანობის სარევიზიო შემოწმების მასალების განხილვა.

საანგარიშო პერიოდში ჩატარდა ფრაქციის „ქართული ოცნება - მრეწველები“ 16 სხდომა. სხდომების ფორმატში განვიხილეთ საკრებულოს სხდომის დღის წესრიგით გათვალისწინებული საკითხები.

დიდუბის რაიონის სამაჟორიტარო წარმომადგენლობის ანგარიში

დიდუბის რაიონის მაჟორიტარის სამაჟორიტარო ოლქი მოიცავს დიდუბის რაიონსა და ჩუღურეთის რაიონის მცირე ნაწილს (შალიბაშვილის ხიდიდან - მარჯანიშვილის მეტრომდე).

საკრებულოს დიდუბის რაიონის მაჟორიტარი წევრის წარმომადგენლობაში მოქალაქეთა მიღება მიმდინარეობს ყოველდღიურად. ყოველ ოთხშაბათს მაჟორიტარი პირადად ხვდება მოქალაქეებს, ისმენს მათ საჭიროებებს, ეცნობა მათ მიერ მოწოდებულ დოკუმენტაციას, განიხილავს და რეაგირებისთვის გადასცემს შესაბამის სტრუქტურებს. მაჟორიტარის და მისი წარმომადგენლობის საქმიანობის სფეროები განისაზღვრება შემდეგი მიმართულებებით: ჯანდაცვა, სოციალური სფერო, ინფრასტრუქტურა, განათლება, კულტურა, სპორტი, ახალგაზრდობა და საზოგადოებრივი საქმიანობა. ასევე, ნებისმიერ მოქალაქეს, აქვს შესაძლებლობა წინასწარი შეთანხმების საფუძველზე, კვირის სამუშაო დღეებში შეხვდეს მაჟორიტარ წევრს ქ.თბილისის მუნიციპალიტეტის საკრებულოში. პრობლემების გადაწყვეტის პროცესი ხორციელდება კანონმდებლობის საფუძველზე, უწყებების ხელმძღვანელ პირებთან პირადი შეტყობინების თუ წერილობითი მიმართვის საფუძველზე. 20 წლის ნოემბრიდან მიმდინარე წლის სექტემბრამდე, მაჟორიტარის და მისი წარმომადგენლობის მიერ კორონავირუსით გამოწვეული პანდემიის პირობებში უსაფრთხოების დაცვის მიზნით პირადი შეხვედრები იყო შეზღუდული, ხოლო მოქალაქეთა კონსულტაცია და დახმარება ხდებოდა სატელეფონო ზარების მეშვეობით, დისტანციურად. საანგარიშო პერიოდში წერილობით მოგვმართა მხოლოდ 30-მდე მოქალაქემ, ხოლო დისტანციურად, ცხელი ხაზის მეშვეობით დახმარება გავუწიეთ 50-მდე მოქალაქეს. მაჟორიტარის და მისი თანამშრომლების

მიდგომაა, რომ საკითხი მოგვარდეს დაუყოვნებლივ, ზედმეტი ბიუროკრატიული ბარიერების გარეშე. ხაზი გვინდა გავუსვათ უწყებათაშორის თანამშრომლობას და დამხარდაჭერას, რომელსაც სხვადასხვა სახელმწიფო, თუ კერძო სტრუქტურები იჩენენ საქმის მიმართ. ფაქტიურად არ არსებობს უწყება, რომელიც კომპეტენციის ფარგლებში არ თანამშრომლობს ჩვენთან. განსაკუთრებით აღსანიშნავია ქ.თბილისის მუნიციპალიტეტის მერიის სამსახურების, დიდუბისა და ჩუღურეთის რაიონის გამგეობების, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს, დიდუბე-ჩუღურეთის სოციალური მომსახურების ცენტრის, თბილისის საბავშვო ბაღების მართვის სააგენტოს, თბილისის განვითარების ფონდის, ფეხბურთის ფედერაციის, შპს თბილისი ენერჯის, შპს საქართველოს რკინიგზისა და სს „თელასის“ ჩართულობა მოსახლეობაზე ორიენტირებული საჭიროებების მოგვარების პროცესში.

ჯანდაცვა და სოციალური სფერო

წარმომადგენლობა სრულ მხარდაჭერას უზრუნველყოფს პირებს, რომლებიც მოგვმართავენ სოციალური საჭიროებებისა და ჯანმრთელობის საკითხებთან დაკავშირებით. შუამდგომლობის კონსულტირება ხდება ჩვენი კომპეტენციისა და თბილისის მუნიციპალიტეტის მერიის შესაბამისი პროგრამებით გათვალისწინებული წესის თანახმად. საკითხების მოგვარების პროცესში ჩვენი პარტნიორები არიან: დიდუბის რაიონის გამგეობა, ჩუღურეთის რაიონის გამგეობა და თბილისის მუნიციპალიტეტის მერია.

ჯანდაცვის და სოციალური მიმართულებით, წარმომადგენლობის მხრიდან, საანგარიშო პერიოდში დაყენებულ იქნა 20 შუამდგომლობა, აქედან 13 განცხადება შეეხებოდა ერთჯერად ფინანსურ დახმარებას, ხოლო 7 მედიკამენტების და გამოკვლევების დაფინანსებას. სააღდგომო და საახალწლო პერიოდებში ჩვენს სამაჟორიტაროში მცხოვრებ 70-მდე შეჭირვებულ ოჯახს, რომლებიც არ სარგებლობენ უფასო სასადილოების სერვისით, დაურიგდა სააღდგომო და საახალწლო ნობათი.

ასევე, პანდემიით გამოწვეული საგანგებო მდგომარეობის პერიოდში სასურსათო და საყოფაცხოვრებო ნივთებით მრავალჯერადად გავუწიეთ დახმარება 50-მდე მრავალშვილიან და სოციალურად დაუცველ ოჯახს.

სოციალური აქტივობები

წარმომადგენლობა აქტიურად თანამშრომლობს ყველა საჯარო თუ არასამთავრობო ორგანიზაციასთან, რომლის პრიორიტეტი მოქალაქეებზე ზრუნვა და მათი სოციალური საჭიროებების დაკმაყოფილებაა.

საქველმოქმედო ფონდი „მომავლისთვის“ მუდმივად სარგებლობს დიდუბის მაჟორიტარი წევრის და მისი წარმომადგენლობის მხარდაჭერით, დახმარებას ვუწევთ სოციალურად დაუცველ, შეჭირვებულ და მრავალშვილიან ოჯახებს.

ჩვენს რაიონში ფუნქციონირებს საქველმოქმედო ორგანიზაცია „ბავშვი და გარემო“, რომელიც აერთიანებს სამი სხვადასხვა მიმართულების ბავშვთა ცენტრს: ქუჩაში მცხოვრებ და მომუშავე ბავშვთა კრიზისულ სადღეღამისო ცენტრს „ბელურები“, შეზღუდული შესაძლებლობების მქონე ბავშვთა ცენტრს „იმედი“ და სოციალურად დაუცველ ბავშვთა დღის ცენტრს „ცისარტყელა“. ორგანიზაციის ბენეფიციარები არიან შშმ პირები, ქუჩაში მცხოვრები, შეჭირვებული და სოციალურად დაუცველ ოჯახებში მცხოვრები ბავშვები, რომლებიც მუდმივად საჭიროებენ თანადგომას სახელმწიფო სექტორიდან.

ინფრასტრუქტურული სფერო

ინფრასტრუქტურული საკითხების გადაჭრის უმთავრეს პირობას საბიუჯეტო სახსრების სწორად დაგეგმვა და დაგეგმილი სამუშაოების დროულად და მიზანმიმართულად შესრულება წარმოადგენს. აღსანიშნავია, რომ დიდუბის რაიონის გამგეობაში, ბიუჯეტით განსაზღვრული ყველა პროექტი ხორციელდება მაჟორიტარის წარმომადგენლობის და რაიონის გამგებლების კოორდინირებული მუშაობის შედეგად. ინფრასტრუქტურული სამუშაოების განხორციელების მიმართულებით, მოქალაქეების მხრიდან, საანგარიშო პერიოდში დაყენებულ იქნა რამდენიმე ზეპირსიტყვიერი შუამდგომლობები, რომელიც შეეხებოდა კომუნალური სისტემის მოწესრიგებას, გზების მოწესრიგებას და სხვა.

სპორტი

წარმატებით ახორციელებს თავის საქმიანობას საფეხბურთო კლუბი “დიდუბე 2014“, რომელიც დიდუბის რაიონის მაჟორიტარი წევრის და მისი წარმომადგენლობის ინიციატივით არის შექმნილი. ქვეყნის მასშტაბით ჩატარებულ სხვადასხვა შეჯიბრებებში, გუნდი მოწინავე ადგილს იკავებს. ამ ეტაპზე, კლუბში 150 ბავშვი ირიცხება. კლუბში „დიდუბე 2014“ მოთამაშე ყველა ბავშვისთვის სწავლება და მომზადება არის უფასო, მათი ოჯახების სოციალური მდგომარეობის გათვალისწინებით, ბავშვები უზრუნველყოფილნი არიან თამაშისთვის აუცილებელი აღჭურვილობით: ფორმებით, ბურთებით და სხვა ინვენტარით. ლადო ძნელაძისა და მისი წარმომადგენლობის ინიციატივით, დიდუბის რაიონის გამგეობის მხარდაჭერით და სხვადასხვა კერძო სექტორის წარმომადგენლების დახმარებით, ხორციელდება გასვლითი შეკრებებიც, უსაფრთხოების ყველა ნორმის დაცვით.

გუნდში თამაშის ერთ-ერთი წინაპირობაა, კარგი აკადემიური მოსწრების და საშუალო ქულებზე სწავლის დამადასტურებელი დოკუმენტი სკოლიდან. დიდუბის რაიონის მაჟორიტარი, ვლადიმერ ძნელაძე და მისი წარმომადგენლობა, მუდმივად ინტერესდება კლუბში მოთამაშე ბავშვების აკადემიური მოსწრებითა და საგანმანათლებლო დაწესებულებებში გაკვეთილებზე და ლექციებზე დასწრების საკითხით. აღსანიშნავია, რომ გუნდის დამფუძნებლებმა და მწვრთნელებმა შეძლეს ბავშვებისთვის მაღალი მოტივაციის გაჩენა.

რეზულტატი გვიჩვენებს, რომ აუცილებელია დაიგეგმოს და განხორციელდეს აქტივობები, რომელიც მიმართული იქნება მოზარდების საგანმანათლებლო საქმიანობების დასაკმაყოფილებლად.